



FEDERACIÓN GALEGA DE XADREZ



XUNTA  
DE GALICIA



DEPORTE  
GALEGO

COMITÉ DE APELACIÓN

EXPEDIENTE 01/18

DATA: 10 DE ABRIL DE 2018.

ASUNTO: ENVÍO RESOLUCIÓN

DESTINATARIOS:

Sr. Presidente do Club de Ajedrez Recatelo.

Sr. Presidente do Club de Ajedrez Grupo Bazán.

Como Secretaria da Federación Galega de Xadrez, remítolle a resolución dictada por este órgano federativo.

Asdo.: Raquel Calleja Modia  
Secretaria da Federación Galega de Xadrez.

<b>FEDERACIÓN GALEGA DE XADREZ REXISTRO XERAL</b>	
ENTRADA n.º	
SAIDA n.º	68.
DATA:	10/04/2018.



FEDERACIÓN GALEGA DE XADREZ



Recurso: 01/2018

Pto. De orixe: Expediente 01/2018

Recurrente: Club de Ajedrez Recatelo

D. Anxo Boan Rodriguez  
D. Francisco Javier Ogando Gonzalez  
D. Xose Luis Veiga Goy

El Comité de Apelación da Federación Galega de Xadrez viu en grado de apelación, o recurso numero 01/2018, dimanante do expediente 01/2018, interposto por D. Moyses Sylla Garcia, en nome e representación do Club de Ajedrez Recatelo, contra a resolución de data 20 de Marzo de 2018 do Xuíz único da Federación Galega de Xadrez que resolve:

“Manter a aplicación do apartado 3.5 do artigo 62º do título VIII do Regulamento Xeral de Competicións e dar o punto ao 4º taboleiro do equipo visitante (D. Vicente Lopez Fraga do Grupo Bazan B), quedando o resultado 2.5 – 1.5 a favor do Recatelo Campus Terra Diversión”.

### ANTECEDENTES DE FEITO ANTECEDENTES DE FEITO

ANTECEDENTE PRIMEIRO.- O xogador do club de Xadrez Recatelo, ADOLFO DIAZ NUÑEZ, aliñado inicialmente no equipo de terceira división, grupo G Recatelo Campus Artistas, foi ascendido na presente edición da liga galega de xadrez nas seguintes ocasións:

En data 2/2/ 2018 (Segunda rolda) ao equipo Campus Recatelo Terra Guerreros de primeira división (grupo A)

En data 24/2/ 2018 (Cuarta rolda) ao equipo Campus Recatelo Terra Guerreros de primeira división (grupo A)

En data 3/03/2018 (quinta rolda) ao equipo Campus Terra Diversión de primeira división grupo A).-

Nesta última data, en data 3/3/2018 disputábase a cuarta rolda da liga galega, onde se enfrontaban como local o equipo Recatelo Terra Diversión e como visitante o equipo Grupo Bazán B con motivo da quinta rolda da liga galega, grupo A de primeira división.

ANTECEDENTE SEGUNDO.- Tras unha reclamación do equipo visitante de data 5/3/2018 respecto a unha posible aliñación indebida no cuarto taboleiro da quinta rolda do encontro de 3/3/2018 antes referenciado, a Federación Galega de Xadrez, resolve darlle a vitoria do cuarto taboleiro ao equipo visitante (Vicente Lopez Fraga) en base ao apartado 3.5 do artigo 62 de título VIII do Regulamento xeral de competicións que di: “Dentro dun mesmo club, non





FEDERACIÓN GALEGA DE XADREZ



se permitirá o transvasamento de xogadores de categoría superior a categoría inferior, nin entre categorías iguais. Un xogador non poderá competir en equipos distintos da mesma categoría durante a mesma temporada” estima que “Existe unha aliñación indebida no cuarto taboleiro do equipo Recatelo Campus Terra Diversión..... coas conseguíntes consecuencias do propio regulamento.-

**ANTECEDENTE TERCEIRO.-** Contra esta decisión da Federación Galega de Xadrez, notificada as partes interesadas o mesmo día 5/3/2018, en data 9/3/2018 o Club de Xadrez Recatelo pon de manifestou as discrepancias desta decisión , entendendo que o apartado 3.5 do artigo 62 non regula o transvase de xogadores de categorías inferiores a unha categoría superior, xa que o transvase de categorías inferiores a categorías superiores son reguladas no apartado 3.8 do mesmo equipo, presentado en data 12/3/2018 ampliación alegatoria con datos concretos sobre abundantes veces que se repetiu na liga galega esta circunstancia sen que fose sancionada.

**ANTECEDENTE CUARTO.-** En data 20/3/2018, o xuíz único da competición, tras remarcar en negra o derradeiro parágrafo do devandito apartado 3.5 do artigo 62 “un xogador non poderá competir en equipos distintos da mesma categoría durante a mesma tempada” resolve “ manter a aplicación do apartado 3.5 do artigo 62 do título VIII do regulamento xeral de competicións e dar o punto do cuarto taboleiro ao equipo visitante (Don Vicente López Fraga do grupo Bazán B) quedando o resultado 2,5-1,5 a favor do Recatelo Campus Terra Diversión.....

**ANTECEDENTE QUINTO.-** Esta decisión foi recorrida novamente, enalzada, polo club de Xadrez Recatelo con alegacións similares as que constan no antecedente terceiro de este escrito solicitando a revogación das decisións anteriores, e que se declare que non houbo aliñación indebida do xogador Adolfo Diaz Nuñez na acta obxecto de reclamación do club visitante.

### **FUNDAMENTOS DE DEREITO.-**

**FUNDAMENTO PRIMEIRO.-** Ambas partes están de acordo cos feitos obxectivos que se describen nos antecedentes que preceden a esta resolución, centrándose o tema de debate, a se en base aos mesmos se deu unha aliñación indebida do xogador do Recatelo, Adolfo Diez Nuñez, na quinta rolda a liga Galega de Club es en data 3/3/2018, onde recibía como visitante o clube de xadrez Recatelo B.

O regulamento da liga galega de Xadrez, en efecto, tal e como alega o recorrente regula os





FEDERACIÓN GALEGA DE XADREZ



transvases de xogadores de categorías inferiores a categorías superiores, sendo no apartado 3.8 do artigo 62 do título VIII do regulamento xeral de competicións onde contempla a posibilidade de ascender a un xogador con posibilidade de regresar ao equipo do que foi ascendido co mesmo número de orde de forza que ocupaba, coas seguintes limitacións:

- a) Un xogador ascendido, ocupará o primeiro número de orde de forza no equipo de superior categoría, aínda que posteriormente retorne ao filial.....
- b) Un xogador ascendido do mesmo equipo tres veces, non poderá retornar ao seu equipo de orixe.
- c) En caso de ascender en diferentes ocasións a diferentes equipos, tras o terceiro ascenso, o xogador permanecerá naquel equipo ao que ascenda en máis ocasións. A partir desta situación, un ascenso a outro equipo implica a súa permanencia no mesmo.
- d) En caso de aliñar para un encontro a máis de dous xogadores procedentes dun equipo filial, soamente dous poderán regresar ao mesmo.
- e) E club ten a obriga de facer constar estes ascensos no apartado de incidencias do encontro.-

FUNDAMENTO SEGUNDO.- Tamén resulta igualmente acreditada que na practica son frecuentes situacións semellantes sen que conste que houbera reclamacións por aliñacións indebidas por esta circunstancia.

O feito que non houbera reclamacións ante situacións semellantes, non é motivo doutrinal nin xurisprudencia para determinar se houbo ou non houbo aliñación indebida, pero aínda así debemos ter en conta estas practicas como usuais dentro da competición baixo o amparo do mesmo regulamento, como aceptadas comunmente polos equipos, sen que se efectuasen reclamacións, xa que os usos ao amparo da mesma norma veñen a ser unha practica social comunmente aceptada, son fonte de dereito en diversos textos xurídicos, como poden ser a modo de exemplo o código do comercio a hora de interpretar a norma.-

FUNDAMENTO TERCEIRO.- A resolución do xuíz único, como ben el indica na súa resolución, limitase a interpretar o regulamento da competición, e, en base ao mesmo, motivar a súa decisión, pero da mesma lectura da resolución emitida en data 20/3/2018, desestima a reclamación do Club de Xadrez Recatelo en base ao último parágrafo do apartado 3.5 do artigo 62 do regulamento, sen entrar a valorar o apartado 3.8 do mesmo artigo nin tendo en conta a integración do ordenamento xurídico, onde en base ao principio de "favorabilia sunt amplianda e odiosa restringenda sunt", as normas sancionadoras deben ser interpretadas sempre con carácter restritivo, que trasladado ao presente caso, tratase de determinar si procede ou non procede impoñer unha sanción (neste caso sanción deportiva) ao club de xadrez Recatelo en base a unha infracción do regulamento, no sentido de restarlle





FEDERACIÓN GALEGA DE XADREZ



XUNTA  
DE GALICIA



DEPORTE  
GALEGO

un punto que obtivo no taboleiro.

Certamente o apartado 3.5 do artigo 62 non quere que un xogador/a compita en equipos de categoría distinta na mesma tempada, e que é obxecto do recurso que nos ocupa. Creemos que da mesma redacción do regulamento de competicións resulta unha ubicación desafortunada deste último apartado do parágrafo 3.5, que fai unha contradición insalvable co disposto no parágrafo 3.8 que regula o transvase de categorías inferiores a categorías superiores ou entre categorías iguais. Dicimos desafortunada, porque podemos interpretar o regulamento de dous xeitos, que o permite ou que o prohíbe. Certamente o apartado 3.5 prohíbe que un mesmo xogador/a poda xogar en dous equipos da mesma categoría na mesma tempada e o parágrafo 3.8 que a hora de establecer os límites a os transvases dos xogadores de categoría inferior a categorías superiores . non establece límite algún a que o equipo ao que se ascende sexa da categoría doutro equipo que xa se ascendeu doutra vez, sendo que o que non está prohibido nin encontrase dentro de ningunha destas limitacións está permitido.

Por tanto, entendemos que da mesma redacción do regulamento de competicións resulta unha contradición insalvable, pois se o que se quere é que un xogador que non compita na mesma tempada en máis dun equipo da mesma categoría, esta limitación debería ser descrita no parágrafo 3.8 do regulamento de competicións, sendo que esta limitación ou prohibición non existe, e, debería plantexarse en engadila para non pulir estas contradicións e, se, polo contrario o que se pretende e permitir os ascensos entre xogadores do mesmo club ao equipos superiores sen máis limitacións das que xa constan no apartado 3.8 do artigo 62, o que habería que considerar é suprimir o último parágrafo do apartado 3.5 do mesmo artigo para evitar no futuro situacións de conflito similares.-

Con todo, e non sen omitir no noso razoamento xurídico, as dúbidas razoables que provoca o regulamento da competición e que acabamos de expor na aplicación a este concreto caso, este comité de apelación entende que deben interpretarse as normas sancionadoras con carácter restritivo, onde resulta que os feitos polos que se reclama non conlevan unha clara infracción do regulamento en base aos razoamentos anteriores, non merecedores da sanción que se pretende debendo prevalecer o resultado real do acontecido no taboleiro de xogo.

En base a todo o que antecede **RESOLVEMOS:**

**PRIMEIRO.-** Estimar o recurso presentado polo club de Xadrez Recatelo, deixando sen efecto as resolucións da Federación Galega de Xadrez de data 5 de marzo de 2018 e do Xuízo único de data 20/372018 no que apreciaba aliñación indebida do cuarto xogador do equipo Recatelo Campus Terra Diversión no encontro que este xogou contra o equipo Grupo Bazán B na categoría A de primeira división en data 3/3/2018, declarando que non houbo tal





FEDERACIÓN GALEGA DE XADREZ



XUNTA  
DE GALICIA



DEPORTE  
GALEGO

aliñación indebida restablecendo o resultado de 3,5 a 0,5 en favor do equipo Recatelo

Campus Terra Diversión.

SEGUNDO.- Recomendar a modificación do Regulamento xeral de competicións en algúns dos seus artigos apuntado no último apartado da fundamentación xurídica desta resolución, a fin de pulir no sucesivo ben contradicións dentro do propio regulamento ou ubicacións desafortunadas do seu contido.

Notifíquese esta resolución as partes afectadas e publíquese a resolución na páxina web da FEGAXA. Esta resolución non esgota a vía administrativa podendo recurrila ante o Comité Galego de Xustiza Deportiva, no prazo dun mes contados desde o día seguinte ao da recepción deste resolución, en Vigo, a 10 de Abril de 2018.

D. Anxo Boan Rodríguez

D. Francisco Javier Ogando Gonzalez



D. Xose Luis Veiga Goy



